

LEWALITABA

Leselinyana la Lekhotla la Taolo ea Motlakase le Metsi Lesotho



TSE KA SEHLOOHONG:
Liqholotso tse tisoang ke
tšenyō ea thepa ea motlakase 4



KA KHATISONG ENA...

- | | | |
|--|---|---|
| 3 LEWA e ba teng sebokeng le kopanong tsa selemo tsa bo 16 tsa mokhatlo oa RERA | 6 Lipehelo holim'a phano ea litšebeliso le mekoloto ea metsi | 11 LEWA e kopana le litho tsa komiti tsa litereke ho matlafatsa tšebetso |
|--|---|---|



U tšoenyehile ka Phepelo ea Motlakase?

Hape le...


- *Likhakanyo tsa khokelo ea motlakase* • *Khokelo ea motlakase*
- *Khaolo ea phepelo ea motlakase* • *Khokelo*
- *Khaolo ea phepelo e bakiloeng ke bothata*

ba marang-rang a LEC?

Lekhlotla la Taolo ea Motlakase le Metsi Lesotho (LEWA) le hlahisitse litokomane tseo taolo ea motlakase etlang ho phethahatsoa ka tsona. Hara tse ling, Lekhotla le hlahisitse tokomane e a Lipehelo tsa Boleng ba Litšebeletso le Phepelo ea Motlakase (QOSSS). Tokomane ena e tataisa K'hamphani ea Motlakase Lesotho (LEC) hore e fane ka litšebeletso e ipapisitse le lipehelo tse behiloeng tse ka har'a eona. Tokomane ea QOSSS e kene tšebetsong ho tloha ka 2007.

*Molemong oa litšebeletso
tse phethahetseng holim'a
motlakase Lesotho.*





LEWALITABA

LEKHOTLA
LA TAOLLO EA
MOTLAKASE LE METSI

7 Floor, Moposo House, Kingsway
Private Bag A315 • Maseru
Maseru • Lesotho
Tel: +266 22312479
Fax: +266 22315094
E-mail: secretary@lewa.org.ls
Website: www.lewa.org.ls

MOOKAMELI
Motlatsi Ramafale
Email: MRamafale@lewa.org.ls

MOOKAMELI OA LEFAPHA LA
LITABA TSA SECHABA
Shao Khatala
Email: skhatala@lewa.org.ls

OFISIRI EA LITABA TSA SECHABA
Sebusi Khanyela
Email: skhanyela@lewa.org.ls

LEWA LITABA ke leselinyana la Lekhotla
la Taolo ea Motlakase le Metsi. Le
hatisoa ka Senyesemane le Sesotho. Le
fuo batho bohle ba nang le thahasello
litabeng tsa Lekhotla.

Maikutlo a hlahang leselinyaneng ha
se a Lekhotla. Lipapatso tse hlahang
ka ho lona ha se tse supang maikutlo
a Lekhotla.

Litaba tse hlahang ka ho lona li ka
hatisoa ntle le tefello ha feela ho
ngoloa hore li tsoa ho LEWA LITABA.
Re ipiletsa hore batho ba elelloe hore
ho nka nakoana ho etsetsa, ho tlosa
le ho etsa liphetoho lethathamong la
batho ba fumanang LEWA LITABA.

Boqapi © LEWALITABA 2019

TSE KA HARE

MOLAETSA KA MOOKAMELI

2

LEWA E BA TENG SEBOKENG

le kopanong tsa selemo tsa bo 16 tsa mokhatlo oa RERA

3

LIQHOLOTSO TSE TLISOANG KE TŠENYO

ea thepa ea motlakase

4

LIPEHELO HOLIM'A PHANO EA LITŠEBELETSO

le mekoloto ea metsi

6

METHATI EA HO ISA LITLITLEBO

tša basebelisi ba metsi le motlakase LEWA

7

KOPO EA HO NYOLLA LITHEKO TSA 2020/21

ea K'hampani ea Motlakase Lesotho ho LEWA

8

LEWA E KOPANA LE LITHO TSA KOMITI TSA LITEREKE

ho matlafatsa tšebetso

11

LIPEHELO BAKENG SA BASEBELISI

ba motlakase libakeng tseo e seng tsa literopo

13

LIPEHELO TSA HO RAROLLA MATHATA

a marang-rang a motlakase

14



Molaetsa ka Mookameli

Babali ba khabane,

Ke sa boela ke le amohela ka thabo leselinyaneng lena la Lekhotla la Taolo ea Motlakase le Metsi Lesotho (LEWA). Ho phatlalatsoa ha khatiso ena ea leselinyana ho tla ka nako eo seoa sa COVID-19 (Coronavirus), se ntseng se baka mathata linaheng tsa China, Amerika Leboea le likarolong tse ling tsa Europe. Ha ho so be le pheko ea lefu lena, empa re lokela hore re le batho re lule re tiile tšepo ea rona 'me re lumele hore pheko e tla fumaneha haufinyane.

Joalokaha e le tloaelo, re tlaeha ka tse ling tsa lietsahala tsa nakong ena ea likhoeli tsa Pherekhong ho isa Tlhakubele 2020. LEWA e ile ea ba teng har'a makhotla a taolo a tikoloho a bileng


teng sebokeng sa selemo le selemo sa bo 16 sa 'Mamekhatlo oa Makhotla a Taolo ea Matla Afrika e Boroa (Regional Regulators Association of Southern Africa -RERA) le Phutheho e Akaretsang ea Selemo (AGM). Liketsahalo tsena li ile sa tšoareloa sebakeng sa Elephant Hills, Mosi-oa-Tunya, Zimbabwe, ho tloha ka la 16, ho fihlela la 21 Hlakola 2020.

Re sa boela re tšohla e nngoe ea liqholotso tse tlišoang ke tšenyō ea thepa ea motlakase, eleng vandalism ka Senyesemane, ea K'hamphani ea Motlakase Lesotho (LEC). Mosebetsi o mong o moholo oa Lekhotla ke ho bona hore sechaba sea tataisoa ka litaba tsa polokeho litšebelongs tsa phepele ea motlakase.

Litaba tse holim'a Lipehelo tsa boleng ba phano ea litšebeliso tsa ho patalisa mekoloto ea tšebeliso ea metsi (Billing) le Lipehelo bakeng sa basebelisi ba motlakase libakeng tseo e seng tsa literopo li tobokelitsoe. Sepheo ke ho sireletsa litabatabelo tsa basebelisi ba litšebeliso tsa metsi le motlakase ka mekhahlelo eohle ea bona litabeng tsa litšebeliso.

Joalokaha e se le tloaelo Methathi e lateloang ke LEWA ho rarolla litletlebo tsa basebelisi ba motlakase le metsi e lokolisitsoe ka maikemisetso ho tsebisa bohle ka eona mlolemong oa ho baballela bohle litokelo e senang khethollo.

Nakong ea leselinyana lena ho bile le mosebetsi o matla oa hore LEWA e sebetse le sechaba ho etsa ka qeto holim'a kopo ea LEC ea ho nyolla litheko tsa 2020/21 ka linoko tse 32.6% lekholong (32.6%) mekhahlelong eohle ea basebelisi ba motlakase.

LEWA e la tšoarela litho tsa Komiti Literekeng phutheho ea ho matlafatsa tšebetso ele hore tšebetso e matlafale literekeng tse leshome. Re phuthulla tse ileng tsa etsahala moo 

Motlatsi Ramafole (Mong.)

Mookameli

Bakeng sa lithakisetsa mabapi le lingoloa tsa leselinyana lena, kapa tšebetso ea LEWA, letsetsa 22312479, kapa u romelle molaetsa ho secretary@lewa.org.ls



LEWA e ba teng sebokeng le kopanong tsa selemo tsa bo 16 tsa mokhatlo oa RERA

Lekhotla la Taolo ea Motlakase le Metsi Lesotho (LEWA) le bile har'a makhotla a taolo a kenetseng Seboka sa selemo le selemo sa bo 16 sa 'Mamekhatlo oa Makhotla a Taolo ea Matla Afrika e Boroa (RERA) le Phutheho e Akaretsang ea Selema (AGM) li ile tsa tsoareloa sebakeng sa Elephant Hills, Mosi-oa-Tunya, Zimbabwe, ho tloha ka la 16, ho fihlela la 21 Hlakola 2020. 'Moko-tabo oa Seboka o ne o le holim'a maoala a ho lokisetsoa hore bo-rakhoebob ba khahloe ke ho kenya chelete ea botseteli lefapheng la matla tikolohong ea Afrika e Boroa.

Seboka se etelletsoe pele ke ho tsoaroa hoa Sethala sa bosupa sa Litho tsa Liboto/ Bak'homishenara ba Litho tsa Makhotla a bopileng RERA. Ketsahalo eo, e ile ea tsoaroa ka sepheo sa ho fa Litho tsa Liboto / Bak'homishenara monyetla oa ho thakelana ka malebela, har'a tse ling, ka litsela tse lateloang ha ho etsoa liqeto holim'a litheko tsa litšebeliso tsa motlakase, mafura le tse ling tsa matla tikolohong.

Ho boetse hoa tsoaroa mekhahlelo e mene ea lipuisano holim'a litaba tsa tšebetso ea litho tsa RERA lefapheng la motlakase la tikoloho letsatsi pele ho Seboka. Mokhahlelong oa pele, ho ile hoa tšohloa mekhoha ea ho kenya tšebetsong meoloane ea taolo ea tšebetso ea litsi tsa lefapha la tikoloho ea RERA e tšehelitsoeng ke Setsi sa Amerika sa Lithuso Machabeng (USAID) tlas'a Southern Africa Energy Project (SAEP). Mokhahlelong oa bobeli ho fanoe ka tlaleho ea lintlha tsa bohlokoa tse fumanoeng boithutong bo holim'a boemo ba taolo ea motlakase Afrika (ERI) ea 2019 e ne e tšehelitsoe ke Banka ea Ntšetsopele ea Afrika (AfDB). Molula-Setulo oa mokhahlelo ona, e ne e le Mookameli oa LEWA Monghali Motlatsi Ramafole. Ketsahalo ea boraro e bile phatlalatso ea semmuso ea lenane la thuto ka marang-rang la RERA le holim'a tsamaiso e nepahetseng ea makhotla a taolo ea littšebeliso, hammoho le ho buisana ka maoala a ka lateloang hore hobe le tekatekano lipakeng tsa banna le basali lefapheng la matla la tikoloho ea Afrika e Boroa, e tšehelitsoeng ke USAID ka lichelete. Ea ho qetela e bile nttšetsopele ea moralo le tsela e tla lateloa ha ho thehoa Mokhatlo oa Taolo ea Matla oa Tikoloho ea Afrika e Boroa (SADC) e tšehelitsoeng ke Mokhatlo oa Europe (EU).

Baemeli ba ile ba buisana ka litaba tse 'maloa tse akhang tsela ea ho hlaloba litemo tsa matla tsa naha ea Mauritius; moralo oa

taolo ea 'maraka oa khoebisano ea matla tikolohong; merero ea phephelo ea motlakase oa matla a letsatsi Afrika e Boroa, litaba tsa Mokhatlo oa Litsi tsa phephelo ea motlakase Afrika e Boroa (SAPP).

Letona la Matla le Litaba tsa Motlakase Zimbabwe Advocate F. Chasi ha a bula seboka ka molao o hlalositse hore o hlokometse hore ho tloha khajana linaha tsa SADC e sa le li sebetsa 'moho, hoo ha mathata a ba teng lefapheng la matla naheng e le 'ngoe mathata ao a tšolohelang naheng e haufi' me qetellong a ame tikoloho eohle. Letona Chasi o boetse a re ntlha ena le tse ling tse ngata li bontša bohlokoa ba makhotla a taolo ea matla le ho hohela botseteli bo matla lefapheng la motlakase.

"Ke lumela hore tikoloho ena e boetse e hloka batseteli ho kena mererong e meng ea ho fehla motlakase haholo-holo ka matla a inchafatsang, merero ea phetisetso kapa ntlafatso ea litsi tsa motlakase, tokisong ea liphaephe tsa peterole le ho nchafatsa liteishene tsa motlakase tse seng li ntse li eketseha ho arabela tlhokahalo ea motlakase. Taba ea hore tikolohong ena ke linoko tse mashome a mahlano lekholong (50%) tsa batho ba itšetlehileng ka mekhoha ea khale ea ho pheha le ho futhumatsa malapa a bona ba sebelisa mollo o bulehileng oa patsi, bolokoe ba liphoofolo kapa mashala e ea nyahamisa" ho boletse Letona Chasi.

A boela a supa hore merero e meng ea phephelo ea motlakase ea linaha tsa Mozambique, Zimbabwe, le Afrika Boroa (MOZISA) le Zimbabwe, Zambia, Botswana le Namibia (ZIZABONA) e metle haholo kaha e le bohlokoa molemong oa ho matlafatsa phephelo ea motlakase tikolohong.

Joalokaha ho se ho boletsoe Molula-setulo oa Komiti ea RERA ea Matlafatso ea Tšebeliso-'moho (RRCP) eo hape e leng Mookameli oa LEWA Monghali Ramafole, o ile a tsamaisa mokhahlelo oa lipuisano o neng o le holim'a Tlaleho ea ERI ea selemo sa 2019. Boithuto ba ERI bo ne bo le holima lintlha tse kholo tse tharo, e leng ho:

- Lekola ntšetsopele ea litsela tsa tsamaiso tsa makhotla a taolo ea motlakase linaheng tsa Afrika;
- Tseba le ho ithuta likheo tse ka mantlha tsa melao/litsamaiso ea mafapha a motlakase; le

- Ho thusa makhotla a taolo ho lekola boemo ba tšebetso ea ona papisong le mekhoe e sebelisoang makhotleng a mang tikolohong le machabeng.

“Tlhahiso ea liphetho tsa ERI e tla re thusa ho utloisisa hore na makhotla a rona a na le boikemelo bo bokae ba ho etsa liqeto le mathata ao a kopanang le ona. Liphetho li tla fana ka setšoantšo sa hore na liqeto tsa makhotla a Afrika li tsitsitse, e le ho fa batseteli kholiseho e hlokalahalang ho hohela matsete a mangata a hlokalahalang.”, Monghali Ramafole a beha joalo.

ERI ea 2019 e bile boithuto ba bobeli mona Afrika, ‘me boithuto bona bo akarelitse linaha tse mashome a mararo a metso e mene (34) papisong le ba pejana bo phatlalalitsoeng ka selemo sa 2018, bo ne bo entsoe linaheng tse leshome le metso e mehlano (15). Joaloka tšebetsong ea ho hlaloha hore

na lekhota la taolo le sebetse hantle kapa hampe ho latela meoloane ea sejoalejoale, ERI e thehiloe holim’a litlha tse tharo e leng matšoao a tsamaiso e ntle ea makhotla a taolo, matšoao a boleng ba liqeto tsa makhotla a taolo le matšoao a litla-morao tsa tsamaiso le liqeto tsa makhotla.

Nakong ea Seboka sa Selemo se Akaretsang, Litho tsa RERA li ile tsa buisana har’a tse ling ka litlaleho tsa likomiti tsa liphutheoana tsa Mokhatlo, Leano la Tšebetso la RERA la selemo sa 2020, litekanyetso, liqeto tsa Kopano ea Matona a Matla a SADC tsa 2019, tekolo ea molao-theo oa RERA le lenane la liketsahalo tsa bohlokoa tsa RERA bakeng sa 2020. Ho ile hoa etsoa qeto ea hore LEWA e tla tsoara likopano tsa likomiti le likomitjana ka ‘Mesa 2020. Seboka sa 2020 le AGM li tla tsoaroa ke Lekhotla la IRSEA la Angola le laolang motlakase le phephelo ea metsi naheng eo □

Liqholotso tse tlišoang ke tšenyō ea thepa ea motlakase

Tšenyō kapa bosholu ba thepa ea motlakase e bolela boikemisetso le maikutlo a phethahetseng a motho ho senya thepa ea motho e mong kapa ea sechaba.

Ho latela molao oa Lesotho Electricity Authority Act, oa selemo sa 2002, o hlomathisitsoeng, mosebetsi o mong o moholo oa Lekhotla ke ho bona hore sechaba sea tataisoa ka litaba tsa polokeho litšebelatsong tsa phephelo ea motlakase.

Ele ho fihlela se boletsoeng ka holimo, Lekhotla le entse qeto ea ho anetsa thuto sechabeng e holim’a liqholotso le kotsi e ka bakoang ke liketsahalo tsa ho senya kapa ho utsoa thepa ea motlakase (vandalism) kahare ho naha ea Lesotho.

Thepa ea motlakase ea K’hamphani ea Motlakase Lesotho (LEC), e senngoa ka tsela e pha-hameng. Marangrang a motlakase a LEC a fokolisoa ke bosholu ba thepa e kang likhoele, maifo (transformers), limithara, litšephe tsa litora le tse ling. Ho tloha ka Phato 2014 taba ena ea tšenyō ea thepa ea motlakase e bonahala e ile ea ja setsi ‘me ea anela naha kaofela. Ka 2019/20 litereke tsa Maseru, Berea le Leribe li ne li na le liketsahalo tse ngata tsa ts’enyō ea thepa ea motlakase papisong le tse ling.



Tšenyō ea marang-rang a tsamaisang motlakase.

Tšenyo ea thepa ea motlakase e hanya sechaba ntlheng ea ho fumantšoa phepelo e tsitsitseng ea motlakase 'me taba ena e iponahatsa ka ho khaoha khafetsa hoa phepelo ea motlakase le tšitiso ea bophelo bo tsitsitseng bo tloaelehileng. Liqholotso tse bakoang ke tšenyo ea thep'a motlakase ke :

- Ba hleka-hlekanang le thepa ea motlakase ba tsietsing ea ho lahlehelo ke maphelo ha ba ama likhoele tse nang le motlakase. Hape le sechaba se se nang molato se ba tlokotsing;
- Tšenyo ea thepa ea motlakase e sebelisoang malapeng;
- Tahlehelo ea chelete ho LEC 'me e le taba e ka qetellang e ama litheko tsa motlakase;
- Ho hanya merero ea ntšetsopele ea naha;
- Ho khaoha ho sa reroang hoa phepelo ea motlakase; le
- Tšenyo ea nako e qetoang ho ntse ho lokisoa thepa ea motlakase e sentsoeng, le hona ho khutlisetsa litšebeliso tsa mantlha tsa motlakase.

Bothata ba tšenyo ea thepa ea motlakase, ke taba e sa fihlelang pheletso hobane hangata thepa ea bosholu e fumanoa ho mekonteraka ea motlakase e ikemetseng.

LEC e hlalositse hore ele ho ema khahlanong le liketsahalo tsena tsa tšenyo ea thepa, lipitso li ntse li tsoela pele tse rutang sechaba ka boemo bona, le ho buisana le litsi tsa phethahatso hore na bothata bona bo ka fenngoa joang. LEC e boetse ea bopa likomiti le bohle ba amehang (Ma-hokela, bafani ba litšebeliso tsa mantlha, Marena, le Mak'hanselara) e ntse ele ho thusana toan-tšong ea bothata bona.

Khoelehetso e etsetsoa bohle metseng le metsaneng ho nka karolo toantšong ea qholotso ena ka ho fana ka menyengetsi ea liketsahalo tsena ho litsi tsa tšireletso tse haufi. Sechaba se lokela ho ela hloko le ho isa leihlo thepeng ea motlakase e mabapi le malapa a bona. Hape se lokela ho hlokomela thepa ena ea bohlokoa molemong oa Basotho bohle.

Lekhotla le nena liketsahalo tsena tsa tšenyo le thekiso ea thepa ea motlakase ka hohle hohle 'me le tšehetsa LEC litekong tsa eona. Batho ba eletsoa ho se rekise kapa ho reka thepa ea bosholu ea motlakase. Sena se molemo kaha basebelisi ba motlakase ba tla fumana polokeho litšebeliso tse tsitsitseng tse bolokehileng tsa phepelo ea motlakase □



Tšenyo ea thepa e laolang motlakase.

Lipehelo holim'a phano ea litšebeletso le mekoloto ea metsi

Ho latela molao oa Lekhotla la Taolo ea Motlakase le Metsi (LEWA), tebello ke hore le sireletse litabatabelo tsa basebelisi ba litšebeletso tsa metsi le motlakase ka mekhahlelo eohle ea bona litabeng tsa litheko le maemo a phepelo ea litšebeletso.

E le ho phethahatsa sena, Lekhotla le hlahisitse tokomane ea Lipehelo tsa Boleng ba Phepelo le Phano e a Litšebeletso tsa Metsi (QOSSS). Kahar'a tse ling, tokomane ena e kenyelletsa lipehelo tsa ho patalisa mekoloto ea metsi.

Tokomane ena ea lipehelo e hlalosa maemo ao ho ona mosebelisi oa metsi a ka patalisoang mokoloto ho sebelisitsoe likhakanyo. Ho na le mekhoe e 'meli e sebelisoang ho patalisa mokoloto oa metsi. Mokhoa oa pele ke moo K'hamphani ea Metsi le Likhoerekhoere (WASCO) e balang mithara oa metsi 'me e be e fa mosebelisi mokoloto hore a o patale ho latela bongata ba metsi a sebelisitsoeng. Mokhoa oa bobeli ke moo mosebelisi a patalisoang metsi ho latela likhakanyo tse entsoeng ke WASCO.

Ho patalisa litjeo tsa mokoloto oa metsi ho ipapisitsoe le likhakanyo, ke mokhoa o sebelisoang ha feela ho se bobebe ho ngolisa kapa ho fumana lipalo tsa mithara. Ha taba ena e etsahala, litjeo li lokela ho hlahella setlankaneng sa mokoloto ka mehla. WASCO eka patalisa mokoloto ka likhakanyo maemong ao ho seng bobebe ho fihlela mithara oa metsi. Taba ena e ka susumetsoa ke mabaka a 'maloa a kenyelletsang a latelang:

- Ho ba sieo hoa motho ea ka bulelang basebetsi ba WASCO keiti ha lipalo tsa mithara li ilo nkuoa.
- Maemo a hlobahetsang a leholimo.
- Litsela tse mpe tse bakang tšitiso ea hore mithara o fihleloe.
- Mithara o behiloeng kamorao ho keiti e koetsoeng.
- Nakong ea ho nka lipalo mithareng ebe liphoofofo tse


kotsi joaloka li ntja, li pela mithara.

- Lifate le limela li koaetse moo mithara o leng teng.

Haeba WASCO e lokela ho etsa likhakanyo moo e sitiloeng ho fihlela mithara, nako e lipakeng tsa ho nkoa hoa lipalo tsa limithara e lokela hore e se fete likhoeli tse tharo. Taba ena e bolela hore WASCO e lebelletsoe ho nka lipalo tsa limithara khoeli le khoeli, ntle le ha maemo a sitisa joalokaha ho hlalositsoe kaholimo. Likhakanyo li etsoa ho ipapisitsoe le tšebeliso ea metsi ea nako e fetileng. Ka nako e 'ngoe, mokoloto o hakantsoeng o kaba holimo haholo kapa oa eba tlaase haholo ho seo e leng sona, haholo moo ebang ho qetoa ho kengoa mithara o mocha sebakeng sa oa khale. Ha likhakanyo tsa mokoloto li ile tsa etsoa, hang ha boemo bo khutlela setloaeling, WASCO e lokela e lokise likhakanyo ka lipalo tsa 'nete tsa mithara.

Malebela ka tse lokeloang ho etsoa ho qoba mokoloto oa likhakanyo:

- Tlosa tsohle tse ka sitisang hore mithara o fihlelehe;
- Fasa liphoofofo tse joaloka lintja hole le mithara;
- Netefatsa hore keiti e buleha hantle ka nako ea ho nka lipalo mithareng;
- Hloekisa bohlasoa kapa seretse holima mithara;
- Khethula makala a lifate kapa limela tse ka sitisang hore mithara o baloe;
- Tlaleha bothata ba mithara ka nako; hape
- Etsa kopo ea ho tlosa mithara ho o isa sebakeng se seng haeba moo o leng hona teng o sa fihlelehe ha bobebe.

Khothaletso ke hore mosebelisi ea fumanang mokoloto o hakantsoeng, o lokela a ipalle lipalo tsa mithara 'me a li bapise le tse setlankaneng sa mokoloto. Haeba lipalo tse hakantsoeng li le holimo ho tse mithareng, WASCO e lokeloa e atameloe molemong oa ho lokisa boemo 

Methati ea ho isa litletlebo tsa basebelisi ba metsi le motlakase LEWA

Lekhotla la Taolo ea Motlakase le Metsi Lesotho (LEWA) e hlalositse tokomane ea methati e lo-kelang ho lateloa tharollong ea litletlebo e le ho thusa tharollong ea litletlebo tsa metsi le motlakase ka tsela e senang khethollo, e potlakileng.

Methati ena e ipapisitse le lipehelo tsa toka tsa tlhaho (natural justice) kaha e nena ho sebetsa ka litšekamelo 'me bohle ba fuoa monyetla oa ho mameloa. Lekhotla le ka amohela tletlebo tsa basebelisi ba litšebeletso tsa motlakase le metsi ha tse latelang li fihletsoe:

1. Tletlebo e lokela e be e ile ea tekoa ho setsi sa phano ea litšebeletso pele (ekaba K'hamphani ea Motlakakase Lesotho-LEC, kapa K'hamphani ea Metsi le Likhoerekhoere-WASCO).
2. 'Moko-tabana oa tletlebo o lokela o ikamahanye le lipehelo tsa Molao o thehileng Lekhotla o hlalathisitsoeng (Lesotho Electricity Act 2002 as amended), lipehelo tsa boleng ba phano ea litšebeletso (QOSSS), lipehelo tsa mangolo a tumello (licences), melao le melaoana le litokomane tsohle tsa taolo.
3. Boemong boo setsi sa phano ea litšebeletso (ekaba LEC kapa WASCO) se sa sebetsang tletle-bo, kapa e sa sebetsoa ka tsela eo molli a khotsofetseng ke eona.


Ha tletlebo ele boemong ba ho sebetsoa ke Lekhotla, tse latelang li lokela ho lateloa:

1. Molli a ka tletleba ka boena kapa tletlebo ea tekoa ke moemeli ea nehiloeng matla ke eena (molli).
2. Ea tletlebang o lokela ho fana ka litaba tsohle tse amanang le tletlebo ea hae, ho kenye-letsa aterese ea moo a lulang, lebitso la setsi seo a tletlebang ka sona (LEC kapa WAS-CO), 'Moko-tabana oa tletlebo, litokomane tse tšehetsang tletlebo, tšenyeha e hlalileng le thuso eo a e batlang ho Lekhotla.
3. Tletlebo e ka tekoa ka molomo kapa e ngotsoe faatše.
4. LEWA e lokela ho kopa lehlakore la setsi seo tletlebo e leng



Monghali Shao Khatala, Mookameli oa Lefapha la Litaba tsa Sechaba, a hlalosa methati ea ho teka litletlebo ho LEWA.

5. holim'a litšebeletso tsa eona (LEC kapa WASCO) 'me karabo e ka lebelloa matsatsing a mahlano (5) a tšebetso.
6. Lekhotla le lokela ho etsa lipatlisiso ka tletlebo moo ho lokelang.
7. Likopano tsa bokena-lipakeng (mediation) li tla tšoaroa moo ho hlokalang, 'me LEWA e lokela ebe Mokena-lipakeng (mediator).
8. Litumellano tse fihletsoeng phuthehong ea bokena-lipakeng li tlama bohle (molli le setsi sa phano ea litšebeletso). Moo ho sa fihleloang litumellano, tletlebo e lokela e fitisetsoe ho Boto ea LEWA hore e fane ka qeto ea moshoelella.
9. Tletlebo e nkoa e fihletse pheletso moo ho hlakang hore ha ena motheo, kapa ha ho hlaka hore tletlebo e fela e rarollotsoe.
10. Liqeto tsohle tse fihletsoeng ke Lekhotla mabapi le litletlebo li lokela ho tšehetsoa ka mabaka.
11. Lehlakore le sa khotsofallang liqeto tsa Boto holim'a litletlebo, le ka fetisetsa taba ena ma-khotleng ele ho hlaloba hore na LEWA e fihletse qeto e ipapisitse le melao le melaoana e loke-lang.

Bakeng sa litlhalosetso tse batsi ikopanye le LEWA, mokatong oa bosupa, Moposo House, Kingsway, Maseru. Hape o ka fumana tlhahiso leseling ho www.lewa.org.ls 

K'hamphani ea Motlakase Lesotho e kopa ho nyolla litheko tsa 2020/21 ho LEWA



Mosebelisi oa litšebeliso a botsa lipotso holima Kopo ea LEC ea ho nyolla litheko tsa 2020/21.

Ka la 17 Pherekhong 2020, K'hamphani ea Motlakase Lesotho (LEC) e kopile tumello ho Lekhotla la Taolo ea Motlakase le Metsi Lesotho (LEWA) ea ho nyolla litheko le litemo tsa litšebeliso tsa motlakase tsa 2020/21 ka linoko tse 32.6% lekholong mekhahlelong eohle ea basebelisi ba motlakase.

Kopo ena ea LEC e ne e ipapisitse le molao oa Lekhotla la Taolo ea Motlakase (LEA) oa 2002, o hlomathisitsoeng. Har'a tse ling, LEC e hlalositse hore ho ea ka boithuto boo e bo entseng, litheko le litemo tsa eona li tlaase papisong le litšenyehelo tseo e bang le tsona ha e etsa mesebetsi oa phetiso ea motlakase (transmission), ho o tsamaisa ka likhoele tse kholo hammoho le phephelo ea ona malapeng le likhoebong. LEC ea boela ea re litemo tsa eona li tla thibela batseteli ba ikemetseng ho tsetela mafapheng a fapakaneng a marang-rang a motlakase e le ho

arabela sekhahla sa tlhokahalo ea motlakase kahar'a naha.

Kakaretso ea chelete eo LEC e neng e e kopa ke M 1.21 billione 'me eona e ne bopiloe ka tse lateng:

- Theko ea motlakase litsing tsa phehlo (M 558,1 million);
- Tokiso le paballo ea thepa (M 55,9 million);
- Mafura a setsi sa Semonkong (M 2,67 million);
- Lits'enyehelo tsa Bosebetsi (M 196,3 million);
- Lits'enyehelo tsa letsatsi le letsatsi (M 120,4 million);
- Theko ea thepa e ncha bakeng sa ea khale (M 116 million);
- Phaello holim'a thepa (M 160 million).

Lekhotla le ile la phatlalatsa Kopo ena sechabeng le ipapisitse le mekhao ea tšebetso ea taolo. Sechaba se nang le tahasello



Monghali Mofuta Phatela a fana ka maikutlo holima Kopo ea LEC ea litefiso tsa 2020/21.

litabeng tsa Lefapha la Phepelo ea Motlakase (Electricity Supply Industry-ESI) se ile sa mengoa hore se fane ka maikutlo a ngotsoeng holima Kopo pele LEWA e ka etsa qeto ea moshoelella. Letsatsi la ho qetela la ho fana ka maikutlo e ile ea ba 'Mantaha oa la 24 Tlhakola 2020.

Liphutheho tsa sechaba li ile tsa tsoaroa ka la 24, 25 le 27 Tlhakola, le ho tloha ka la 02, 03, 04, 05, 09 le la 12 Tlhakubele 2020. Ho qala ka setereke sa Qacha's Nek, Quthing, Mafeteng, Mokhotlong, Butha-Buthe, Leribe, Berea, Mohale's Hoek, Thaba-Tseka le Maseru ka tatellano. Sechaba se neng se phuthehile se ile sa botsa lipotso holima Kopo ea LEC ekasitana le ho fana ka likhethaletso ho Boto ea LEWA le bookameli ba LEC. Liphuthehong tsohle, LEC e ile ea teka le ho hlalosa Kopo ea eona ho sechaba ekasitana le ho arabela lipotso. LEC e ile ea

teka tse latelang e le likatleho tsa eona tsa mantlha tšebetsong ea eona:

- Boemo ba phepelo ea motlakase ho marang-rang a eona a maholo e sale e le bo tsitsitseng ho tloha ka la Mphalane 2018 ho isa ka Loetse 2019 kaha e bile linoko tse 99.84% e leng bo kaholimo ho linoko tse 99.00% tse behiloeng e le mooloane ka selemo;
- K'hamphani e kene tšebetsong ea ntlafatso ea marang-rang le thepa ea tšebetso e le ho matlafatsa thepa ea khale e bakang ho khaoha hangata hoa phepelo ea motlakase; hammoho le
- Ho ntlafatsa mekhoe ea ho khutlisa chelete ea K'hamphani e ileng ea lahleha ka lebaka la bosholu le bomenemene.

LEC e ile ea hlalosa tse ling tsa liqholotso tseo e ileng ea tobana le tsona phanong ea litšebeliso tsa motlakase 'me tseo li kenyetsetsa theko e boima ea motlakase ho tsoa litsing tse ka ntle ho naha, hammoho le tahlehelo ea kuno ka lebaka la khahlametso e ileng ea etsetsoa bahloli (Lifeline tariff).

"Boholo ba motlakase oo LEC eo rekisang ke o tsoang litsing tsa phehlo kante ho naha e leng Eskom ea Afrika Boroa hammoho le EDM ea Mozambique kaha setsi sa phehlo ea motlakase sa 'Muela se fehla motlakase oa 72 MW, o leng katlaase ho 177.31 Megawatts (MW) eo naha e e hlokanang ho ea ka lipalopalo tsa 2018/19. Leha e le hore ho aha litsi tsa phehlo ea motlakase ho bohlokoa ho naha ea Lesotho e le karolo ea ntlafatso, ho tla hloka haholo chelete e ngata haholo hore li aho. LEC e ka imeloa haholo ha e ka nka mekitlane libankeng kaha nako ea ho patala mekitlane e khutsoanyane," ho rialo Ramoruo oa LEC, Monghali Mothae Nonyana.

Monghali Lefa Motlalane-Mookameli lefapheng la Meralo le Liporojeke LEC o hlalositse hore LEC e lahlehetsoe ke chelete e kaalo ka M48 million ka lebaka la ho kenya tšebetsong hoa khahlametso ea bahloli (lifeline tariff) ka selemo sa 2019/20. O ile a boela a hlalosa hore leha khahlametso ena ea bahloli e le leano le bohlokoa, le nonyetse kholo ea LEC phanong ea lits'ebeliso. A boela a re bothata bo bong ke hore malapa a mangata a sebelisa motlakase hanyane.

"Leha sekhahla sa likhokelo tsa motlakase malapeng li phahame, LEC ha e fumane kuno e lekaneng kaha basebelisi bao ba sebelisa motlakase o monyane. Ka hona, Kopo ena eo re e tekileng e tla re thusa ho matlafatsa thepa le marang-rang a motlakase," ho riatso Monghali Motlalane.

Litefiso tseo LEC e tekileng kopo ea hore li ananeloe bakeng sa selemo sa lichelete sa 2020/21		
Mekhahlelo ea Basebelisi ba motlakase	Litefiso tsa Matla	Litefiso tsa Sekhahla se Phahameng tsa Matla
Lifeme HV	0.2567	361.6547
Lifeme LV	0.2842	422.4218
Likhoebo HV	0.2567	361.6547
Likhoebo LV	0.2842	422.4218
Mesebetsi e akaretsang	2.0993	--
Malapeng	1.8572	--
Khahlametso ea litefiso malapeng	0.8617	--
Ho banesa	1.0542	--



Monghali Motlatsi Ramafale, Mookameli oa LEWA a tsamaisa lipuisano tsa phano ea maikutlo holima Kopo ea LEC ea litefiso tsa 2020/21.

Babusi ba litereke, marena, mak'hanselara, bahoebi, bacha le Sechaba e ile ea ba mekhahlelo ea sechaba liphuthuhong tseo. Karolo e 'ngoe ea boemeli ba sechaba e ileng ea fana ka maikutlo e bile e meng ea mekhatlo ea Transformation Resource Centre (TRC), Lesotho Economic Freedom Fighters (LEFF), Lesotho Textile Exporters Association (LTEA) hammoho le Consumers'

Protection Association (CPA). A mang a maikutlo a sechaba holimá Kopo ea LEC e bile hore:

- LEC e lokela ho aba toka ka ho buseletsa batho ba atamelitseng likhokelo ho sechaba se sengata (pioneer developers);
- Lekhotla le ele hloko lintlha tse amanang le sekhahla sa kholo ea moruo ha le bopa maikutlo a moshoelella holimá Kopo;
- Kaha phephelo ea motlakase ha e ea tsitsa, LEC e lokela ho fumana mekhoe ea ho iphelela motlakase ka mahlale a sejoale-joale a ka sebetsang maemong 'ohle a leholimo;
- Kopi ea Kopo ea LEC e lokeloa ho fumants'oa Sechaba matsatsi pele ho liphutho tsa sechaba bakeng sa hore se iketsetse tlhahlobo e tebileng;
- 'Musu oa Lesotho o batle maoala a ho khahlametsa bahloli haholo-holo maqheku le batho ba phelang ka bokooa;
- LEC e tlohele ka botlalo ts'ebeliso e mpe ea lichelete tsa eona joaloka ho patala mekhoele e feletseng ea batho ba behelletsoeng ka thoko ho mosebetsi; ekasita le
- Ho kenya tšebetsong leano la lilemo tse ngata la litheko le litefiso tsa Kopo (multi-year tariff).

Ha a koala liphutho tsa Sechaba, Monghali Nathaniel Maphathe, e le Molula-Setulo oa Komiti ea Litheko le Litefiso ea Boto LEWA, kamehla o ile a tiisetisa sechaba hore Lekhotla le tla etsa qeto ea moshoelella le ipapisitse le tlatsetso le maikutlo a bona le mabaka ohle a tekiloeng kapela lona. O itse tebello ke hore mosebetsi oa ho hlahloba kopo ea LEC o tla phetheloa ha khoeli ea 'Mesa 2020 e kolumela. A eketsa hore ha qeto e se e fihletsoe, Lekhotla le tla e phatlalletsa sechaba ka tokomane e ngotsoeng. O boetse a hlalose tsa sechaba hore maikutlo a sona a bohlokoa 'me ba lule ba nka karolo nako eohle ha ho ena le Kopo e tsoanang le eena.

Mafelong a khoeli ea Tlhakubele 2020, Lekhotla le ne le ntse le etsa tlhatlhobo ea Kopo ena ea LEC ■

Kopano ea litho tsa Komiti tsa Litereke



Lekhotla la Taolo ea Motlakase le Metsi Lesotho (LEWA) le ile la tšoarela litho tsa likomiti ea eona Literekeng phutheho e le ka sepheo sa ho ba matlafatsa tsebetso. Phutheho e ne tšoaretswe Victoria Hotel, Maseru, ka la 31 Pherekhong 2020.

Phutheho e ne tšoerwe holimá mmoko-taba oa *'tšebeliso hammoho le tlamahano bakeng sa bohle'*. Lekhotla le sebelisitse 'moko-taba oona le ipapisitse le lepetjo la eona la tšebetso e leng, 'Re selekaneng sa moshoelella'. Khokahano ea kamehla le basebelisi ba litšebeliso tse laoloang e thusa ho aha le ho tsitsisa likamano tse mofuthu tse nang le boleng.

Puong ea hae ha a bula phutheho, Mookameli oa LEWA, Monghali Motlatsi Ramafale, o ile a leboha le ho amohela litho tsohle tse tlleng phuthehong.

Litho tsa Komiti ea LEWA koetlisong.

"Ke motlotlo haholo hore e be re kopane le lona ka nako ena e khuts'oane ea ho fihla hoa ka LEWA. Phutheho ena e tlo akofisa hore re tsebe ekasitana le ho utloisisa tsela eo le shebang litaba tsa taolo. Sena se tla re thusa hore re fihlele sepheo sa rona sa ho etsa hore Lekhotla le bonahale sechabeng seo le phelang le sona" ho rialo Monghali Ramafale.

Lintlha tse amanang le tšebetso ea Lekhotla li ile tsa tšohloa le litho tsa Komiti. Tsona li kenyetsetsa mabaka a ho theha likomiti literekeng, litebello tsa LEWA ho litho hammoho le tsela eo LEWA e e latelang ho etsa qeto holima litheko tsa metsi le motlakase. E le karolo ea ho nonya tsebo ea ba neng ba le phuthehong ka litšebeliso tsa LEWA, litho li ile tsa koptjoa ho tlatsa foromo ea lipotso ka khotsofalo ka litšebeliso tsa Lekhotla.



Mookameli oa LEWA, Monghali Motlatsi Ramafole puong ea hae le Litho tsa Komiti.

Setsebi sa litaba tsa moruo sa Lekhotla Mofumahali Selloane Letsunyane o ile a hlolosesetsa litho tsa likomiti hore ho bohlokoa hore K'hamphani ea Lesotho ea Motlakase (LEC) le K'hamphani ea Metsi le Likhoere-khoere (WASCO) li laoloe kaha e le mofuta oa likhoebo o senang tsholisano. O boetse a hlalosa hore mofuteng oo oa khoebo, litsi tseo li ka ba le taolo e feletseng ea ho beha litheko ka moo li ka ratang ka teng, ha feela li sa laoloe. Boemong bona, LEWA joaloka molaoli, le tsoanela ho laola litheko le litefiso tsa litšebeletso tsa LEC le WASCO. O ile a boela a hlalosa hore bakeng sa hore Lekhotla le fane ka sephetho sa moshoelella holima likopo tsa tlatlhobo ea litheko tsa litsi tse laoloang, le loka har'a tse ling hore litsi tseo li fane ka tlaleho tsa lichelete ea libuka tse hlahlobiloeng, likateng tse feletseng tsa Kopo hammoho le maikutlo a tsoang ho sechaba.


Ofisiri ea Likamano tsa Sechaba, Monghali Sebusi Khanyela o ile a lemosa litho tsa komiti hore ho nka karolo litabeng tse amanang le ho hlahloba litheko ho bohlokoahali ho Lekhotla. O ile a boela a hlalosa hore tlatsetso ea sechaba ka linako tsohle e thusa LEWA hore e atlehe ho beha litheko ka ponaletso. E meng ea mesebetsi eo litho tsa Komiti ea LEWA Literekeng ke ho:

- Aha le ho boloka maqhama a tihileng lipakeng tsa Lekhotla

le basebelisi ba litšebeletso literekeng e le ho alosa phano ea boleng bo tsoileng matsoho ea litšebeletso;

- Thusa ho bokella litlhoko tsa basebelisi ba litšebeletso;
- Kenya letsoho tlhahlobong ea litheko e le hore sechaba sa moo ba phelang le sona se kenye letsoho le ho matlafatsa kutloiso ea sona.

Lekhotla le thehile likomiti literekeng e le ho tiisa le ho matlafatsa matšolo a lona a ho hokahana le sechaba metseng le literopong. Sepheo sa ho theha likomiti tsena, ke ho thusa Lekhotla ho itsebahatsa ka khokahano e bulehileng le sechaba. Phutheho ena e ne etselitsoe litho tsa setereke sa Butha-Buthe, Leribe, Mafeteng hammoho le Mohale's Hoek. Litho tsena tse neng li tlele phuthehong, li khethuoe ka har'a mekhahlelo e fapaneng ea basebelisi ba litšebeletso lefapheng la motlakase le metsi literekeng ka ho fapana

Monghali Samuel Makatse, e mong oa litho tsa komiti ea LEWA literekeng e bile e le setho sa K'hansela ea Maputsoe o ile a hlalosa hore ba thabile haholo ka ntlafatso ea thuto eo ba e filoeng. O ile a thatiselletsa ka hore thuto ke leseli 'me ba tla imatlafatsa ka lona ekasita le ho thusa LEWA ho pharalatsa melaetsa ea eona ho sechaba se sengata 

Lipehelo tsa basebelisi ba motlakase libakeng tseo e seng tsa literopo

Lekhotla la Taolo ea Motlakase le Metsi Lesotho le hlahisitse lipehelo tsa boleng ba litšebeliso bakeng sa basebelisi ba motlakase ba ka fuoang litšebeliso ke litsi tse ikemetseng tse fepelang libaka tseo hangata eleng tse kathoko ho metse ea literopo. Ka lipehelo tsena, LEWA e ikemiselitse ho sireletsa litata-tabelo tsa boleng bakeng sa

tšebeliso ea boleng le polokeho.

Lipehelo tsena li sebelisoa ke litsi tse fuoeng lilaksense ke LEWA ho fana ka phephelo ea motlakase. Hajoale ke Lefapha la Kanetso ea Motlakase Metseng ea hae le Lekala la Matla le tsamaisang merero ea phephelo ea motlakase eo Lipehelo li sebetsang ho eona. REU e sebetsa kathoko ho meeli ea K'hamphani ea Lesotho ea Motlakase ea tšebetso. Kanetsong ea motlakase metseng e ka thoko ho toropo, LEC e sebetsa ka ho kenya marang-rang a tšebetso ao REU e tlang ho a sebelisa ho fepela basebelisi ba motlakase litšebeliso tlas'a taolo ea la Lekala la Matla.

Ka tlaase mona ke lipehelo tsa litšebeliso tseo REU e li latelang.

Lipehelo tsa boleng ba litšebeliso tseo REU e lokelang ho li latela

TŠEBELETSO	LIPEHELO TSE LOKELOANG HO LATELOA
Khokelo ea motlakase	<p>Nako e behiloeng ho fana ka li likhakanyo tsa tefo</p> <p>Nakong ea matsatsi a mashome a mabeli (20) a tšebetso moo marang-rang a seng a ntse a le teng.</p> <p>Nakong ea matsatsi a mashome a mane (40) a tšebetso moo marang-rang a motlakase oa sekhahla se senyane (LV) a lokeloang ho kenya.</p> <p>Nako eo litšebeliso li lokeloang ho fanoa</p> <p>Nakong ea matsatsi a mashome a mararo (30) a tšebetso moo marang-rang a seng a ntse a le teng.</p> <p>Nakong ea matsatsi a mashome a tšeleletseng (60) a tšebetso moo mofuta oa marang-rang a sekhahla se senyane (LV) a leng sieo.</p>
Palo ea limithara	Limithara tsa basebelisi ba motlakase li lokeloa ho baloa bonyane hangoe nakong ea likhoeli tse tharo.
Khaolo ea litšebeliso	<p>Basebelisi ba litšebeliso ba lokela ho khaoleloa litšebeliso kamora matsatsi a mahlano a pheletso ea tefello ea mokoloto. Khokelo-bocha e lokeloa ho etsoa letsatsi hang ka mor'a hore tefello e etsoe.</p> <p>Basebelisi ba likhoebo tse kholo ba lokeloa ho fua lihora tse mashome a mane a metso e robeli (48) pele khaolo ea phephelo e ka etsoa.</p> <p>Khaolo ea phephelo ha e ea lokeloa ho etsoa mafelo a beke, weekend le matsatsi a phomolo.</p> <p>Khaolo ea phephelo e etsoe hang-hang moo ho nang le tlheka-tlheko ea thepa.</p> <p>Khokelo-bocha e etsoe nakong ea matsatsi a mabeli (2) a tšebetso ka mora tefo ea likotlo tsohle tsa tšenyō</p>
Litletlebo tsa basebelisi ba litšebeliso	<p>Litletlebo tse tekiloeng ka mongolo li lokeloa ho arajoa nakong ea matsatsi a mahlano (5) a tšebetso le ho fumaneloa tharollo nakong ea matsatsi a leshome (10) a tšebetso.</p> <p>Boemong boo basebelisi ba litšebeliso ba sa khotsofalang ke tsela eo REU e rarollotseng litletlebo ka teng, ba lokela ho tlisa litletlebo tse joalo ho LEWA.</p>



The virus is transmitted through direct contact with respiratory droplets of an infected person (generated through coughing and sneezing). Individuals can also be infected from and touching surfaces contaminated with the virus and touching their face (e.g., eyes, nose, mouth). The COVID-19 virus may survive on surfaces for several hours, but simple disinfectants can kill it.

Lipehelo tsa ho rarolla mathata a marang-rang a motlakase

Lekhotla la Taolo ea Motlakase le Metsi Lesotho (LEWA) le ikitlaelletsa ho ntlafatsa litšebeletso tsohle tse fanoang ke lik'hamphani tse laoloang ke eona le ipapisitse le thomo ea lona. Ho feta moo, litšebeletso tse joalo li lokela hore li lule li ipapisitse le maemo a lipehelo tsa litšebeletso tse thathamisoeng kahar'a tokomane ea Lipehelo tsa Boleng ba Litšebeletso tsa Phepelo ea Motlakase, Metsi le Likhoere-khoere (QoSSS).


Meeli ea litšebeletso tse khotsofatsang ho ipapisitsoe le litaba tsa tharollo ea mathata a marang-rang a rarolloang ke LEC li hlalositsoe katlase mona.

Tse tafoleng ena e katlase ke litšebeletso tse hloailoeng le linako tseo LEC e lokelang ho li sebetsa ka eona. Tokomane e hlalising lethathamo la litšebeletso tsena le boemo ba litšebeletso e ka fumaneha liofising tsa LEWA. Ka nq'a e 'ngoe tokomane e joalo e ka fumaneha ho marang-rang a LEWA a latelang: <http://www.>

lewa.org.ls/standards/standard/QoSSS.

Ho bohlokoa ho bontša hore ke boikarabello ba LEC ho batalatsa mabala sebakeng sa phetiso ea melaetsa joaloka tšebeletso ea lihora tse 24 tsa fono le litšebeletso tsa marang-rang molemong oa ho tlaheha tšetiso ea litšebeletso.

Ho boetse ho bohlokoa ho totobatsa hore lipehelo tsena tse kaholimo li sebetsa maemong a tloaelehileng a mosebetsi, 'me maemong a sa tloaelehang, k'hamphani e fanang ka litšebeletso e lokela ho leka kahohle ho qoba tšetiso ea litšebeletso.

Moo lipehelo tsena li sa fihleloang, tletlebo e ka hlalisoa 'me ea tletlebang o koptjoa ho latela methati e behiloeng ea ho etsa tletlebo. Kahoo, bothata bo ka tlaheha pele ho k'hamphani ea fanang ka litšebeletso, 'me kamorao ho moo haeba taba e sa sebetsoa ka tsela e khotsofatsang, e ka fetisetsoa lekhotleng hore le kene lipakeng .

Tšebeletso	Lipehelo
Phano ea litaba ho litsi tse tlaehang mathata a motlakase	Lintlha mabapi le sebaka le lihora tsa tšebeletso tsa litsi tse tlaehang e lokela e fuoe basebetsi liofising tsa lik'hamphani, moo motlakase o rekisoang le bophatlalatsing ba naha.
Methati ea ho tlaheha mathata	K'hamphani e lokela ho fa mosebetsi ea tlaehang bothata nomoro e bontšang hore o tlaehile. Mosebelisi o lokela ho fana ka lintlha tsa boitsebiso ba hae.
Ho khaoloa ha litšebeletso ntle le boikhetheho	30% ea phepelo e khaotsoeng e lokela ho khutla nakong ea hora le metsotso e 30. 60% eona komar'a lihora tse 3 le metsotso e 30, 90% nakong ea lihora tse 7 le metsotso e 30, 100% nakong ea lihora tse 24.
Ho khaoha ho reriloeng	Tsebiso e lokela ho etsoa lihora tse 48 pele ho khaoha ho joalo ho ba teng. Moo ho amehang likhoebo tse kholo, k'hamphani le basebelisi ba lokela ho lumellana.
Nako ea ho khaoha	Nako ea ho khaoha ho reriloeng ha e lokele ho feta lihora tse 8 mefuteng eohle ea marang-rang le matla a fapaneng a motlakase.

